

Samningur

mennta- og menningarmálaráðuneytis við Framvegis – miðstöð símenntunar ehf. um ráðstöfun rekstrarframlags í fjárlögum

Mennta- og menningarmálaráðuneyti, kt. 460269-296, í samningi þessum nefnt ráðuneyti, og Framvegis – miðstöð símenntunar ehf., kt. 420306-0320, í samningi þessum nefnt Framvegis, gera með sér svofelldan samning.

1. Markmið og starfsemi

Meginmarkmið með samningi þessum eru að Framvegis mun vinna að markmiðum framhaldsfræðslulaga nr. 27/2010 með því að reka miðstöð framhaldsfræðslu í Reykjavík; greina þarfir fyrir fræðslu og bjóða upp á ráðgjöf, raunfærnimat og námskeið fyrir markhópa. Þjónusta á sviði framhaldsfræðslu skal veitt og þróuð í samstarfi meðal annars við Fræðslumiðstöð atvinnulífsins, Fræðslusjóð og aðra hlutaðeigandi aðila. Einkum skal Framvegis leggja áherslu á námsframboð fyrir fólk í heilbrigðis og félagsþjónustu.

2. Forsendur samnings og lagaheimildir

- 2.1. Framlag ríkisins til samnings þessa er ákveðið í fjárlögum hvers árs og er það 14,5 m.kr. árið 2014 og 14,6 m.kr. skv. frumvarpi til fjárlaga fyrir árið 2015.
- 2.2. Ráðuneytið annast samskipti aðila vegna samningsins við fjármálaráðuneyti og Alþingi. Það mun beita sér fyrir því að árlegt framlag til samningsins verði í samræmi við gr. 2.1. með fyrirvara um að Framvegis standi við skuldbindingar sínar. Gerður er fyrirvari um að stjórnvöld kunna að ákveða aðhaldsaðgerðir við samþykkt fjárlaga og á Framvegis ekki kröfu á ríkissjóð eða rétt á bótum þótt framlag til samningsins verði lækkað eða fellt niður.
- 2.3. Verði gerð umtalsverð breyting á fjárveitingu til samningsins í fjárlögum taka aðilar upp viðræður um aðlögun rekstrarins að breyttri fjárveitingu.
- 2.4. Framlag ríkisins samkvæmt samningi þessum tekur breytingum skv. verðlagsuppfærslu fjárlaga hvers árs.
- 2.5. Framvegis miðstöð símenntunar ehf. starfar samkvæmt samþykktum á hluthafafundi félagsins 17. ágúst 2006.
- 2.6. Framvegis starfar í samræmi við lög og reglugerðir sem gilda um umsamda starfsemi og verkefni, en einnig, eftir því sem við á, eftir lögum og reglugerðum um rekstur aðila sem kostaðir eru að verulegu eða öllu leyti af framlögum ríkisins.
- 2.7. Forsenda framlags til verkefna á sviði framhaldsfræðslu er að Framvegis hafi viðurkenningu sem fræðsluaðili skv. 7. gr. laga um framhaldsfræðslu nr. 27/2010.

3. Ábyrgð Framvegis – miðstöðvar símenntunar ehf.

- 3.1. Framvegis ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. Framvegis skal geta lagt fram gögn og skýrslur þessu til staðfestingar, sé eftir því leitað.
- 3.2. Framvegis ber ábyrgð á skuldbindingum það eða aðilar á þess vegum stofna til í tengslum við samning þennan.

AM SAIB

3.3. Framvegis er óheimilt að:

- 3.3.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
- 3.3.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

4. Upplýsingar, samskipti og eftirlit vegna fjármála

4.1. Ráðuneytið greiðir árlegt framlag sem hér segir:

- 4.1.1. Í tólf jöfnum hlutum og skal greitt fyrsta virka dag hvers mánaðar. Greitt er inn á bankareikning í viðskiptabanka Framvegis.

4.2. Framvegis skilar ráðuneytinu:

- 4.2.1. Áætlun um rekstur og breytingar á efnahag ásamt starfsáætlun þar sem fram komi m.a. hvernig er áætlað að ráðstafa framlagi og helstu starfsmarkmið sem unnið verður að, fyrir lok febrúar ár hvert.
 - 4.2.2. Endurskoðaðan ársreikning ársins á undan með skýringum, fyrir lok júní ár hvert. Jafnframt skulu ársreikningur og ársskýsla send Ríkisendurskoðun.
 - 4.2.3. Samningsaðilar munu á samningstímanum samræma framsetningu upplýsinga um rekstur, sbr. framangreinda liði 4.2.1. og 4.2.2.
- 4.3. Eigi Framvegis í viðskiptum við lögaðila sem það á eignarhluta í eða er í eigu fjárhagslegra tengdra aðila svo sem stjórnenda þess, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.

5. Upplýsingar, samskipti og eftirlit vegna verkefna

- 5.1. Ráðuneytið hefur eftirlit með framkvæmd samningsins.
- 5.2. Fulltrúar ráðuneytis og Framvegis halda að lágmarki einn fund árlega um samninginn.
- 5.3. Fyrir lok júní ár hvert skilar Framvegis ráðuneytinu ársskýrslu þar sem m.a. er fjallað um framkvæmd samningsins og hvernig framlagi var ráðstafað í samanburði við áætlun.
- 5.4. Framvegis skilar ráðuneytinu upplýsingum sem það kallar eftir vegna opinberrar upplýsingagjafar.
- 5.5. Framvegis veitir ráðuneytinu upplýsingar sem það telur sig þurfa vegna eftirlits með framkvæmd samningsins. Ráðuneytið hefur heimild til að gera sjálft eða fela öðrum að gera athuganir og úttektir á öllum eða einstökum þáttum í framkvæmd samningsins. Í því skyni afhendir Framvegis ráðuneytinu þau gögn og veitir upplýsingar sem máli skipta vegna úttektarinnar, s.s. afrit af fundargerðum stjórnar, útprentun eða samantekt úr bókhaldi og afrit af öðrum gögnum sem sannarlega eru nauðsynleg vegna úttektar og eftirlits ráðuneytisins. Gæta skal trúnaðar um upplýsingar sem leynt eiga að fara skv. lögum eða eðli máls, s.s. persónulegar upplýsingar um viðskiptavinum Framvegis.

 

